

侯官嚴
氏評點

莊

子

克崙署



疾風平野
疾風平野



克端署



海軍先賢嚴幾道先生遺像

侯官嚴氏評點莊子序

莊生之書何爲而作也曰莊生蓋憂世之深用世之急而思有以拯其敝挽其危其用心視孔釋無二致也而洞玄破的說澈于洙泗巧譬曲喻語妙于竺乾烏乎斯義也嚴子幾道其知之矣其言曰莊知義命之不可違則述人間之世待羣己之已得則有德充之符處則爲大宗師周易見龍之在田也達則爲應帝王周易飛龍之在天也然則莊非出世之學也彼其覩禍亂之相尋民生之多艱蓋嘗蒿目而深痛之撥亂反正世以期倡仁義之聖人然聖人之利天下也幾何大盜之積辜人之號何其言之深痛警切也然則莊其無術以終拯之歟曰是不然彼其以人心

之拘虛囿時也則以逍遙廣之以世間美惡是非之無定也則以天倪和之薄祿利則有腐鼠之嚇斥爭戰則有蠻觸之喻齊生死則有旦暮之說舉世所冀樂畏惡者摧剝而燙滌之務盡則天下尙復有可慕羨爭攘之事乎蓋爲天下者必有薄天下而不爲之概而後可以治天下粃糠塵垢猶將陶鑄堯舜何其意量之高夔閔遠乎而嚴子獨疑其爲楊之學者以爲其所謂治身之道若與吾儒成仁取義之義殊世苟棄仁義而用其說則夷甫平叔之禍將立見烏乎莊之遺耳目外萬物一死生也久矣豈若世之愛其身以有冀者哉彼其覩衰亂之世賊虐並作忠義之士雖斷脰絕膺卒于天下無救則何若全生遠害以全吾真哉且自生事繁智術闢技巧益而世之日趨于機變詭

詐不可止也世愈降則變益奇禍益烈非至如莊所謂人將相食者不止而今適其會也而儒者乃欲稱堯舜述湯武以挽之斯不亦遠乎儒者每矜孔子作春秋而亂臣賊子懼實則元愍大猾知空文之無足道悍然行其素恣其欲孔子而後亂臣賊子固接跡于天下未嘗懼也則聖人仁義之說其于天下之利害幾何不亦較然可識乎然則莊生之說其可與楊朱同類而並譏之也且莊所謂全生者非逸其身以遺世蓋將全其真以拯世儒之于身則有全歸之訓矣必此身修而後治平之道可行也釋之于身疑若厭之矣顧其所爲絕欲斷愛亦所以養其身以爲明見之資耳蓋必有此身此生而後儒之仁義也釋之悲智也乃有所託恃而程其效何獨于莊而疑之乎嚴子所懼

由莊之道必流爲夷甫平叔之禍者抑知夷甫平叔輩之說莊亦假仁義以說孔貌悲智以談釋者類也寧有契于莊之真邪以是詬莊吾恐莊不任也烏乎斯義也嚴子蓋始昧而終有以窺其微矣其籀莊之卒章乃曰楊之爲道雖極于爲我而不可訾以爲私彼蓋覩人心之僨驕而民于利之勤雖數千年之禮法祇以長僞而益亂則莫如清靜無爲脩往侗來使萬物自炊累也烏乎莊書之閔遠深微樹義至難識也其微意孤懸于天壤而蒙世之滋垢亦千餘歲于茲矣而嚴子生千載後乃終識之而其始猶未能盡識則作者之意其真難識矣乎彼其思遇大聖于千世之後亦期于旦暮遇之者而嚴子生千歲後乃終有以識之而吾乃亦于旦暮遇之其可久祕藏而不以詔乎世

然世方以爭攘爲事機詐相角吾恐莊生之旨嚴子之解
亦終懸于天壤而莫之喻而人相食之禍乃彌演彌烈而
終莫之拯也悲夫癸巳秋九月福州曾克端

莊子
內篇
八
卷

光緒乙巳集虛草堂
校聚合肥張文運校

莊子故序目

莊子之書自前世皆列道家道家祖老子孔子當周衰以聖德不得位序詩書禮樂爲儒宗老子生并孔子孔子所嚴事當是時其道未大顯至戰國孟子尊孔攘楊墨至力矣無一言及老子吾意老子遯世无悶隱君子也其清虛淡泊不大異孔子道不然孟子排異端必不釋老子不置論者世益陵夷狙詐爭戰之風日熾賢者自放不得志痛當時諸侯王無慮皆爲民害而世儒又兒襲多僞乃發憤取老氏之說務推本言之以救其失則莊周之徒興焉其詞洸洋放恣以適己其意則重可

悲矣秦得天下益尙詐力燒詩書民萌凋瘵天下滋欲
休息慕黃老之無爲質文異尙時各宜也上自文景之
君蕭曹之相國儒者司馬氏父子賈誼之論大道皆右
黃老黃老之學於是爲極盛而諸儒老師區區守詩書
燬棄之餘蒐殘討遺用力至勤苦六經始萌芽嚮明黃
老專道之稱者千餘年浮屠氏乃益乘閒入中國正始
以來士大夫尙清談崇高致人人言老莊卒放棄禮法
天下大亂老莊氏之教外形骸生死寧靜自勝王衍何
晏之倫溺心勢物殆不啻與之背馳絕遠而老莊不幸
蒙其名是故其學盛於漢而極衰於魏晉道不軌於中

庸循其末之弊固將無所不極然苟得其本志之所存
其爲禍豈至是哉初浮屠之入中國也詞至猥淺老莊
旣爲世詬病高明邁俗之士知名物訓故之學未足彌
道之量乃竊其說而增益之於浮屠宏闡而精研至不
可究詰烏虜道家微而釋氏興雖以程朱大儒昌詞排
之不能驟絕其流豈擴清之功不可冀與抑士之僚咤
失志者多樂其說以自廣與不然則其道果有可自立
者存也莊子書詞尤高好文者尙之前後爲注者百數
十家獨郭象注最顯陸氏釋文多存唐以前舊詁自象
注及諸家益各用己意爲說本旨荒矣余讀其書爲衷

取羣解略發指趣要以通其詞爲歸嗟乎莊生之言曰
有機械者必有機事有機事者必有機心又曰大亂之
本必生於堯舜之閒其末存乎千世之後千世之後其
必有人與人相食者悲夫余讀其言未嘗不慨焉流涕
也光緒二十年冬十一月桐城馬其昶撰

卷一

內篇逍遙遊第一 齊物論第二 養生主第三

卷二

內篇人閒世第四 德充符第五 大宗師第六 應

帝王第七

卷三

外篇駢拇第八 馬蹄第九 胠篋第十 在宥第十

一 天地第十二

卷四

外篇天道第十三 天運第十四 刻意第十五 繕性第十六 秋水第十七 至樂第十八

卷五

外篇達生第十九 山木第二十 田子方第二十一 知北遊第二十二

卷六

序目
三
雜篇庚桑楚第二十三 徐無鬼第二十四 則陽弟

二十五

卷七

雜篇外物第二十六 寓言第二十七 列禦寇第二

十八 天下第二十九

卷八

雜篇讓王 盜跖 說劍 漁父 逸篇

釋文稱內篇眾家並同自餘或有外無雜余謂外雜二篇皆以闡內七篇之義其分篇次第果出自莊生以否殆不可考其閒皆不無裨益以其傳久故一仍之其讓

王以下四篇舊次列禦寇前然自蘇子瞻輩皆斷其僞
今觀之猶信太史公稱其作漁父盜跖胠篋以詆訛孔
子之徒以明老子之術世所號儒者皆託爲孔子之徒
今胠篋所言不及孔子第紂儒信老是其義矣若盜跖
眞詆訛孔子是殆擬爲之者讀史公語未審耳且又烏
覩所謂老子之術者哉非史公所見之舊其爲贗決也
因從宣穎南華經解例退其篇目附於後又姚姬傳先
生謂漢志莊子五十二篇郭象存其三十三篇然今本
經象所刪猶有雜入可決其非莊生所爲者則其十九
篇恐亦有眞莊生書而爲象去之矣昔王伯厚輯莊子

逸文今更益采掇錄而存之亦猶姚先生之志也其昶
又記